



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm IV. Quantò.

[urn:nbn:de:hbz:466:1-62559](#)

suis interrogatis, secundam id quod iustum est, & ratio dicit, pronunciare debet. Quare etiam malè plerumque Reipubl. consultum est, si Princeps ita omnia Consiliariis suis committat, vt ab eorum sententia manquam recedat, vel quæ, & quibus rationibus ipsi statuerint, non recognoscatur: Cūm ipsi Principi potius, quam Consiliarii, officium & cura Reipublicæ incumbat, prout etiam supradocui.

4. NOTANDVM II. Consiliarij aut Assessores, qui à Magistratu adhibentur, literati, & sapientes esse debent; Non solumque est Reipubl. si promiscue cum literatis & illiteratis, sapientibus atque insipientibus Reipubl. negotia tractentur: propterea quod proclue sit bonus à malis deprauari, aut certe supplantari, iuxta dictum Domini Luc. 16.v.8. quod filii huius seculi prudentiores filii lucis in generatione sua sunt. Ita sumitur extenu huius c. Non sufficit yero doctrinæ, siue iuri peritiae instruētum esse Consiliarium; nisi prudens ac verè sapiens, adeoque vir bonus sit: quamobrem passim in iure, viro boni arbitrium commendari, atque requiri solet. Est enim vir prudens, idemque bonus, qui non tantum quid rectum, iustumque, atque bono publico commodum sit, nō uit, sed etiam ad sequendum, perpetuo inclinatus est, nullaque virtuosa affectione inde se amoueri patitur. Quamobrem Exodi cap. 18.n.21. lethro cognatus Moysi dixit: Proinde autem de omni plebe viros sapientes & timentes Deum, in quibus sit veritas, & qui odrerint auaritiam, & constitue ex eis tribunos, & centuriones, & quinquagenarios, & decanos, qui iudicent populum omni tempore. Ante omnia vero postulauit, vt ab auaritia alieni sint: haec enim mentem excæcatam à vero, immo ab ipso Deo abducit, cūm sit idolorum seruitus, ad Colos. cap. 3. v. 5. Vide quæ dixi in c. 1. de Constit. 6. not. 2.

5. NOTANDVM III. Sententia lata à non iudice ipso iure nulla est, vt h̄c dicitur in textu, & sumptum est ex l. 1. C. Si à non competente &c. Probatūr que ex eo, quia sententiam ferre iurisdictionis actus est: Itaque na-

la est sententia, quæ à non iudice, seu iurisdictionem non habente procedit.

CAPITVLVM IV.

Quantò.

PARAPHRASIS.

Relatum fuit ad Innoc. III. Papam, quod simplices quidam Sacerdotes apud Urbem Constantinopolim Confirmationis Sacra-menta, quæ ab Apostolorum tempore solis Episcopis referuata sunt, Fidelibus ministrare presumant, sola consuetudine in locis jis vigente factū excusantes. Quare mandatis Vicario suo in Orientalibus regionibus constituto, vt Presbyteris omnibus prohibeat, ne imposterum id simili temeritate audeant. Tametsi enim ea Sacra-menta à Fidelibus non contemnenda, sed magni facienda sint, minus tamen periculi est, si stante ea necessitate (quæ legi subiecta non est) vt Episcopus habesi non possit, omnino omittere, quam ab his, quibus conferre non licet, cum temeritate (quæ lege damnata est) inaniter conferri & accipi: Etenim talis collatio seu administratio umbram quidem Sacra-menti p̄se fert, veritate autem & affectu destituta est.

SUMMARIUM.

1. Duo sunt Ordines Sacerdotum, primi & principales, Episcopi; alijs simplices sacerdotes hic vocantur, alias Presbyteri, dici solent.
2. Quæ sunt propria Ordinis Episcopalis, ea ab inferioribus Clericis, etiam Presbyteris, nullo usu seu confuerudine, quauis immemoriali, acquiri, vel usucapi possunt.
3. Qui per legem incapax est alicuius iuris sicut porestatis, ut per solam consuetudinem seu exercitium & usum, quantumvis diuturnum, eius capax fieri non potest: potest autem per dispensationem aut privilegium.

Z

4. Corp-

4. *Consuetudo obseruata, sciente eo, qui priuilegiare potest, & cum posset, non prohibente, vim privilegij habet.*

NO T A N D V M I. Romanus Pontifex ab antiquo tempore Vicarios suos in ecclesiis quoq; Orientis constitutos habuit, cum potestate præcipendi ac vetandi, per Apostolicæ Sedis auctoritatem. Quod est certum signum potestatis vniuersalis erga omnes ecclesiastæ exténdentis. Qua de re dixi in Theol. moral.lib. i. tr. 4. cap. 6. §. 1.

NO T A N D V M II. Duo sunt ordines sacerdotum; Alij primi ac principales, videlicet Episcopi, qui & sacerdotes consecrare, & Fideles seu baptizatos confirmare possunt: Alij verò sunt ordinis secundi, qui simplices sacerdotes hoc loco appellantur; alias Presbyteri dici solent; jis dictæ potestates non competit. Qua de re regi lib. 5. Th. mor. tract. 9. c. 3. n. 4. & seqq. Ex quibus ibi dictis apparet, de potestate Presbyterorum & Episcoporum malè hinc scriptissime Abb. Panorm. n. 1. quem recte inter alios refutat Ioann. Azor. tom. 2. lib. 5. cap. 1. q. 8.

NO T A N D V M III. Quæ sunt propria ordinis episcopalis, ea ab inferioribus clericis, etiam Presbyteris, nullo vsu, seu consuetudine, quamvis immemoriali, acquiri, siue vsucapi possunt. Nam vsucapere seu præscribere non potest, qui est incapax eius actus, per quem vsucapere debet: Siue, vt aliis verbis dicam, incapax possidendi est etiam incapax præscribendi, quandoquidem sine possessione præscriptio, seu vsucapio non procedit, reg. 3. in 6. Sed omnis clericus Episcopo inferior, incapax est conferendi Sacramentum Confirmationis, & Ordinationis: Ergo tametsi diurno tempore hos actus, videlicet invalidè & sine effectu, exerceat, nunquam eas potestates vsucapere, & acquirere potest, prout in fine huius c. significatur.

Atque haec quidem doctrina clara est, si loquamur de incapacitate, quæ prouenit ex diuina lege seu institutione, vt in casu c. nostri: Sicut enim ea lex seu institutio per contrariam legem humanam abrogari nō potest, v.g. vt Presbyteri ex vi & potestate ordina-

tionis suæ, baptizatos confirmant, ita nec per consuetudinem ea incapacitas tollitur: Sed idem quoque dicendum, si incapacitas ex legge positiva proueniat, v.g. Ecclesiæ institutione: Tametsi enim, absolute loquendo, non repugnat huiusmodi legem per contrariam consuetudinem aboleri; stante tamen lege, per quam personæ incapaces redditæ sunt aetatum aliquem validè exercendi, fieri non potest, vt per quamcunque, etiam immemorialem consuetudinem, siue exercitium, capaces reddantur, ob eandem, quam suprà dixi rationem; idque doctè, allegato hoc c. annotauit Suarez lib. 7. de legibus cap. 19. n. 17.

Res ista exemplis declarabitur: Primum. Stante lege canonica, quæ semper in ecclesia viguit, quod ecclesiarum, & sacerorum vasorum, eorumque quæ sancti chrismatis vocationem postulant, consecratio proprias sit Episcoporum, & Presbyteris ex vi ordinantis suæ, non competit, nullus Prelatus seu secularis, seu regularis, alias sacerdos non episcopus, per consuetudinem, quantumvis diurnam, etiam immemorialem, accidente quoque bona fide, dictam consecrandi potestatem acquirere potest, prout inter alios docet Syl. ver. benedictio n. 3..

Alterum. Posito, quod lex Bonifaciana in c. statutum 11. de re scriptis in 6. in obseruatione sit, sicuti reuera est, vt causæ ab Apostolica Sede & Legatorum eius non delegentur nisi personis in dignitate constitutis, aut Canonicis Cathedralibus, nulla consuetudine obtineri potest, vt alia persona talem qualitatem non habens literas accipiat & exequatur; propterea quod lex ea irritans sit, adeoque mandati executio, facta à persona non capaci, irrita. Accedit hinc specialiter, quod mens committentis seu delegantis Pontificis non sit huic personæ, quæ requisitam qualitatem non habet, delegandi, ideoque etiam ex hoc capite, videlicet ob voluntarij defactum, irrita est delegatio cause.

Tertium. Cum ius decimaru[m] spirituale sit, ideoque in laicum non cadat, ideo nunquam etiam immemoriali tempore, & cum bona fide illud vsucapere potest, c. causam quæ 7. de præscript.

Quar-

Quartum. Cùm Laici incapaces sint spiritualium iurium eligendi ecclesiarum Prælatorum, conferendi ecclesiastica beneficia; item iurisdictionis exercenda in ecclesiis, & ecclesiasticas personas; ideo nulla, quantumuis diuturna aut immemoriali consuetudine, vel præscriptione acquirere eam possunt, vti docu. lib. 4. Theol. mor. tr. 9. c. vlt. & videri potest Suarez in tract. de immunit. eccl. cap. 32. n. 17. & seqq. post Ioann. Andr. in c. 2. de præb. in 6. Philipp. Decium in c. nouit. n. 12. de iudicis.

Itaque in eiusmodi casibus, in quibus v.g. laici incapaces iurium spiritualium, aut Presbyteri incapaces potestatis consecrandi sacra via, nihilominus per concessionem aut priuilegium supremi Ecclesiæ Pastoris, capaces fieri possunt, ita argumentari possumus: Vel persona, quæcunque præter, aut potius contra communem legem canoniam, talem potestatem sibi arrogat, priuilegium accepit, aut non accepit: Si prius, dici non potest, quod eam præscriptione, seu diuturni temporis vsuacione acquisierit. Si posterius, locum habet regula superioris tradita, & communiter à Iurecons. approbata, Ioan. Andr. Decio locis suprà cit. Felin. in c. causam, n. 4. & seqq. de præscript. c. accedentes n. 6. eod. tit. quod positâ incapacitate personæ, locum habere non posuit vñucatio, quantocunque, etiam immemoriali tempore, continuata: cùm enim ætus, siue vñus & exercitium aetuum, positâ incapacitate personæ, nullum & irritum sit, non potest per illud ius aliquod sequiri, iuxta dictum vulgatum; quod nullum est, nullum effectum producit. Videri etiam potest Suarez lib. 8. de legibus cap. 7. vbi explicat regulam Iuristarum ex eodem fundamento desumptam, quod priuilegium potentiis sit consuetudine, & multa per priuilegium acquiri possint, quæ consuetudine propter subiecti incapacitatem, acquiri non possunt. Qua de re dixi etiam in eccl. 10. de constit. & in Theol. mor. ib. 3. tr. 1. cap. 8. n. 6.

³ NOTANDVM IV. Qui per legem incapax est, alicuius iuris aut potestatis, is per solam consuetudinem, seu exercitium & vñsum, quæ-

tumuis diuturnum, eius capax fieri non potest. Hæc est doctrina in præc. not. explica ta, & sumiture ex c. isto ver. *solam consuetudinem prætendentes*, & traditam Baldus hic in fine c. Abb. n. 2. Videtur autem Pontifex Innoc. III. quando Presbyteros illos temeritatis arguit, quia solâ consuetudine nixi, Fideles confirmabant, insinuare, secùs fuisse dicendum, si ipsi super concessione seu dispensatione à Sede Rom. Apostolica, propter necessitatem seu penuriam Episcoporum, ipsis factâ intentionem fundassent: tum enim de ea inquiri, seu examinari debuisset. Videri possunt, quæ dixi lib. 5. Theol. moral. tract. 3. cap. 6.

His adde primò: Ad vsuacionem, tum in hoc casu, tum in aliis suprà allatis exemplis, haud sufficere, si cum immemorialis temporis vñs siue consuetudine facti, bonaque fide, concurrat fama concessi priuilegiij, aut dispensationis, per quam persona capax facta sit. Hæc enim fama licet fidem bonam confirmet, faciatque præsumptionem seu colorrem tituli, ita ut possessor à possessione & exercitio amouendus non sit, prout locis suprà allegatis rectè docuit Felinus; attamen si fama falsa sit, seu concessio nulla facta, re vera persona manet incapax; consequenter vsuacio siue præscriptio perfici non potest. Consequenter si veritas postea detegatur, videlicet nullam dispensationem factam esse, irrita censeri debet, quæ acta sunt.

Addo secundo: Quod in his, in quibus Princeps priuilegium rationabiliter concedere potest, & solet, sufficit plerumque consensus tacitus: si videlicet potestatem aliquam ab ijs, qui se cundum communem legem incapaces sunt, exerceri, & non prohibeat, cùm si vellet, prohibere posset. Itadocet ex communi Petrus Rauenn. de consuetudine n. 61. & seqq. Rochus Curtius in c. vlt. de consuetudine n. 300. 301. vbi ait, *consuetudo obseruata sciente eo, qui priuilegiare potest, vim priuilegij habet*.

Porrò de his, quæ in hoc c. dicta sunt, alii quoque in locis ex instituto agendum erit: sed hic veluti generale fundamentum ex hoc c. eruisse, operæ pretium esse videtur.